



10. Tschanteda dal cussagl cumünel in marculdi, ils 22.5.2013 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Ines Barblan, Gian Fadri Largiadèr

Absaints: Paolo Bernasconi

Actuar: Duri Schwenninger

Tractandas:

1. Protocol
2. 8.001 Preschantaziun pussibilteds gestiuner alps S-chanf e Zuoz tres Andrea Gilli
3. 0.211 Dumandas da fabrica
4. 6.100 Actas da fabrica punt da fier a Cinuos-chel, offerta da surpiglier las actas d'archiv, credit fr. 1'150.00
5. 0.210 Prolungir contrat cun la firma Angelini SA per retrer materiel da l'ova Varusch
6. 0.112 Büro electorel per las votumaziuns federelas dals 9 gün 2013
7. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 01.05.2013 vain approvu unanimamaing.

70 8.001 Alps e pasculs
Preschantaziun pussibilteds gestiuner alps S-chanf e Zuoz tres Andrea Gilli

Il cussagl vaiva decis l'an passo da lascher piglier sü il stedi actuel da las differentas alps in connex cun l'ideja da mner cumünaivelmaing las gestiuns da las alps da S-chanf e Zuoz. Andrea Gilli es preschaint per quista tractanda e preschainta la lavur fatta in üna prüma fasa. In üna prosma tschanteda decida il cussagl, scha la chosa dess gnir perseguitada inavaunt, respectivmaing scha la lavur dess gnir cuntinueda.

71 0.211 Dumanda da fabrica
Campell Riet Rudolf, orientaziun rimplazzamaint dal tanc d'öli

Il cussagl piglia cugnuschentscha da l'orientaziun da fabrica da Riet Rudolf Campell e da l'intent da rimplazzer il tanc d'öli sün parcella nr. 391 a Cinuos-chel. Il cussagl nu n'ho üngünas objecziuns.

**72 0.211 Dumanda da fabrica
Gabriel Arno e Tatjana, orientaziun nouva chamanna per vender
prodots**

Il cussagl piglia cugnuschentscha da l'orientaziun da fabrica da Arno e Tatjana Gabriel d'avair munto ün chamanna per vender prodots sün parcella nr. 310 in Salvuns. Tenor l'OPTGR artichel 40 alinea 20 nu suottasto l'intent al dovair d'üna procedura da fabrica ordinaria. Il cussagl nu n'ho üngünas objecziuns.

**73 0.211 Dumanda da fabrica
Engi Marianna e Werner, orientaziun refer scarpada tal pakegi**

Il cussagl piglia cugnuschentscha da l'orientaziun da fabrica da Marianna e Werner Engi regard il refer la scarpada tal parkegi sün parcella nr. 685 in Davous Chesas e nu n'ho üngünas objecziuns.

**74 0.211 Dumanda da fabrica
Sutter Daniel e Manuela, nouv'abitaziun suot il tet**

Manuela e Daniel Sutter haun inoltro üna dumanda da fabrica per eriger üna nouv'abitaziun suot il tet sün parcella nr. 777 in Davous Chesas. Siand cha'l spazzi d'abiter nouv d'eira già gnieu aderieu a sieu temp cun la fabrica da la chesa decida il cussagl unanimamaing da conceder il permiss da fabrica cun differentas cundiziuns.

**75 6.200 Vias e piazzas cumünelas
Actas da fabrica punt da fier a Cinuos-chel, offerta da surpiglier
las actas d'archiv, credit fr. 1'150.00**

La punt sur l'En a Cinuos-chel es gnida surpigliada dal chantun e muntada da l'an 1972. Il contract da l'indschegner d'eira previs cha quel archivescha las differentas actas da fabrica e'ls plans. Il temp defino il contract es ragiunt e la firma Synaxis da Turich ho suottamiss ün'offerta per surder la documainta da fabrica a nossa vschinauncha. Il cussagl decida unanimamaing da surpiglier las actas e'ls plans, siand cha tar üna sanaziun da la punt füss indispensabel d'avair quellas e deliberescha il credit da fr. 1'150.00.

**76 0.210 Contrats e cunvegnas
Prolungir contrat cun la firma Angelini SA per retrer materiel da
l'ova Varusch**

Il cussagl piglia cugnuschentscha da la dumanda da la firma Angelini SA per prolungir il contrat dals 3 marz 2008 per retrer materiel da l'ova Varusch per 5 ans, siand cha'l contrat actuel scrouda ils 31.12.2013. Resguardand il permiss da l'uffizi per natüra ed ambiaint per retrer materiel in quel lö, ch'id es valabel fin ils 31.12.2015, decid'il cussagl unanimamaing da prolungir eir il contrat cun la firma Angelini fin ils 31.12.2015 cun differentas cundiziuns.

**77 0.112 Votumaziuns
Büro electorel per las votumaziuns federelas dals 9 gün 2013**

Al büro electorel per las votumaziuns federelas dals 9 gün 2013 faun part: Gian Fadri Largiadèr e l'actuar Duri Schwenninger.

78 9.999 Varia

Il president infurmescha cha la prosma radunanza cumünela ho lö in marculdi, ils 26 gün 2013.

A las 22.40 vain la tschanteda alveda.

In buna fè

L'actuar:
D. Schwenninger